

臺

省

疏

稿

臺省疏稿卷之六

海上擒獲捷音疏

據廣州兵備帶管巡視海道僉事周舜岳會同分守嶺南道左叅政謝鵬舉呈稱海賊曾一本自隆慶二年六月十一日突至省外焚奪兵船殺擄人民退出波羅外海節奉各軍門牌仰各道督率水陸官兵隨處相機剿捕六月二十九日賊哨馬船三隻飄劫深涌等處鄉村當督領哨百戶張

沛率領總甲陳鳳余朝等追到與賊交戰  
生擒從賊彭世孔陳大等一十一名斬獲  
首級一顆七月初三日白艚賊船二十餘  
隻突至香山縣唐家九洲地方打劫又該  
領兵指揮僉事伍惟統坐駕兵船適會香  
山縣知縣林成綱督發哨馬健兵新會縣  
知縣林會春解濟軍需火藥各官兵遵奉  
總督軍門催督調度於初六日在虎頭門  
外百寅至午與賊大戰十數合奪獲大白

艚船九隻衝沉大船三隻指揮伍惟統等  
哨官兵當陣生擒賊犯蔡七吳亞尾姚蘊  
絢丘順等二十一名斬獲首級一十五顆  
奪獲被擄男婦五口銳砲打傷墮水及奔  
逃溺死賊徒約三百有零被傷兵夫郭才  
胡清等三名及東莞縣知縣楊守仁亦督  
官兵生擒賊犯李鳳褒等三名斬獲首級  
二顆備倭指揮王權部兵擒獲賊犯吳美  
一名又准總兵官俞大猷郭成手本開報

頭目林弘仲何中行等部領兵夫夾剿前  
賊生擒賊徒二十五名斬獲賊級四十八  
顆及總兵官郭成家兵林得成等斬獲賊  
級一顆通前各哨官兵總計擒斬獲賊犯  
賊級共一百二十八名顆各數目到臣案  
查曾一本等流毒邊海屢抗王師執辱  
將領該臣題奉明旨行取廣西總兵官  
俞大猷前去會同巡撫廣東都御史李佑  
計議造船募兵進剿續廣東總兵郭成到

任臣又督責本官協謀共事適船兵將集  
本年六月十九日就准李佑咨及據分守  
巡海叅政等官謝鵬舉等飛報前賊於本  
月十一日突犯省城河下敵燒兵船民房  
勢甚猖獗臣即掣調梧鎮戍守漢達官軍  
日兵行委坐營都指揮李懋元統領及行  
督調各道水陸官兵與東莞新會等縣雇  
募兵船各入省合勢夾擊仍相機進剿一  
面查將失事人員具本先行叅題一面

備行新任都御史熊桴會同總兵官俞大猷等整理見在船隻及計處添造福船募兵行令俞大猷親督進剿去後今據前因除將生擒賊犯遵照題准事例處決梟示被擄給親領回船隻改克兵用外為照劇賊曾一本等流毒有年人神共憤兼造船未集之際肆掩襲焚奪之謀苟圖緩師聊保旦夕今各該官兵乃能協心共濟追挫賊鋒則士氣自倍而元兇授首有日矣

是皆仰仗我 皇上 天威遠布

聖德懋昭之所致也除將有功官兵先行給賞

以作銳氣仍候事寧之日另行定議叙錄

外謹具題 知

海賊流劫議處防剿疏

據海防兵備兼分巡潮州道僉事郭孝揭

帖拜潮陽海豐等縣陸續飛報海賊曾一

本前此入犯省城地方隨即東向惠潮隆

慶二年七月內至連澳牛田羊等處海面



十九等日分程老等哨船突至海豐縣三  
江港口及澄海縣鮑浦溪東蓬州烏汀背  
月浦等寨海陽縣渡頭庵等鄉村槍擄去  
白艚船隻數多捉擄男婦三百餘名口二  
十一日往蓬州都地方焚劫出港即今徧  
插旗號廣招人民每名給銀一兩以助惡  
黨及白哨海賊與大家并新民并何老賊  
黨率多投附夥衆其撫民林道乾船灣在  
踏頭鋪搭寨與民盟誓互相救護等因又

據僉事郭孝揭報據揭陽縣并蓬州所飛  
報曾一本等於本年八月初二日攻打大  
家井勝負未分初四初五日駕船三百餘  
隻由南溪突劫漁湖都鍾慶洋又一哨駕  
船一百餘隻突入北溪焚劫梅岡都新河  
磐溪等鄉村逼近揭陽縣蓬州所城池綠  
由到此案查先因海賊曾一本突犯省城  
河下焚奪船隻退出虎頭門等處海面已  
該臣嚴督總兵官俞大猷郭成等督發各

該將領相機攻擊續據廣州兵備僉事等  
官周舜岳等各報督兵擒斬賊犯蔡七等  
功次并奪獲船隻數目前來已經具本題  
知并將失事人員叅 奏處治及行贖理軍  
務右僉都御史熊輝督行分守巡海等道  
左叅政等官謝鵬舉周舜岳等修整見存  
及崔募福船烏艚冬仔等船六十八隻以  
刺胡船三十餘隻分派原任叅將王詔與  
都指揮白翰紀統督把總朱相伍惟統等

各領駕在於虎頭門及東莞南頭等處加  
謹防守續准巡撫右僉都御史熊桴咨開  
會同總兵官俞大猷議支銀四萬五千兩  
委原任總兵官湯克寬雷州府海防同知  
林焯領往福建福州洪塘漳州等處地方  
打造大福船冬仔船七十餘隻即募慣戰  
福兵五千餘名又發銀一萬三千兩於本  
省東莞順德番禺等縣責成各掌印官造  
大烏艚船十三隻募兵制器勒限報完仍

今俞大猷親往閩中督發兵船前來約期  
夾擊又先行總兵官郭成遊擊將軍馮良  
匪共領陸兵六千餘名屯劄潮州設策鼓  
舞撫民林道乾莫應敷朱良寶等協力相  
機防剿外今據前因臣看得海賊曾一本  
等極惡窮兇流劫沿海今見大兵將集乃  
復招納亡命張大聲勢以避誅戮及照撫  
民林道乾前雖肆惡今自投招之後誓願  
滅賊情詞既順信義當孚既以孤其黨類

又得藉其死力似亦權宜之策也除一尚  
通行嚴督催造船隻措備糧餉鼓舞將士  
務將前賊剿處蕩平另 報外謹具題

知

鷓鴣右江都亮功次疏

據廣西遊擊將軍帶管柳慶參將丁山呈  
稱隆慶二年十月初六日據慶遠守備田  
義揭稱遵休方畧密往思恩府小諾齊兵  
哨刻期於本年九月二十五日親統千戶

童鉞舍人李芷領軍嚴押東蘭州族目韋  
福安等兵撲剿慶遠府宜山縣大都亮吳  
村斬獲首從賊級一百五十六顆生擒首  
從賊徒四名指揮程梁舍人鄔啓坤督押  
邠地州族目羅思業等兵剿小都亮何馬  
風木等村斬獲首從賊級三十五顆冠帶  
總旗鄭陽春舍人黃世熙彭大成督押南  
丹州族目莫昂莫顯德等兵剿歸朝下隘  
等村斬獲首從賊級二十四顆三哨官軍

目兵共擒斬賊級二百一十九名顯大都  
亮三村俱已全夥撲滅惟小都亮及歸朝  
二處稍有脫逃除加意撫出另報等因隨  
又續據分巡道副使鄭一龍呈稱先該分  
守右江道叅議張佳胤會同分守柳慶叅  
將王世科調到那地州目兵羅思詔等一  
千名報效目兵黃積等九百名二道會行  
柳州府同知何賢計辦糧餉分委守備田  
義督領千戶陳良壁百戶余言陳漢剽得



峒門村首從賊韋公報等一十六顆社羅  
村首從賊常扶晚等二十一顆黃荊村首  
從賊常朝花等一十三顆俘獲賊屬大小  
男婦共一十八名口馬一匹牛十三頭慶  
遠府知府秦檜守備田義乘兵威始振督  
令招主僮老龍仁曉擒獲柳城縣北蓋村  
首賊梁宗達梁宗順二名審係殺死哨守  
永寧堡千戶郭大倫夥賊又委南冊衛指  
揮王瑞來賓所領哨千戶黃元舉統領賓

州三關馬鞍白袍等目兵營兵剿獲未賓  
縣水規村首賊石公高拜從賊首級一十  
四顆俘奪賊屬一十四名口水牛六頭沙  
牛十七頭馬二匹又督千戶黃元舉統兵  
殺獲東歐西里北三等峒賊級九顆及各  
處把截官兵鄉兵呈報共獲功一十八名  
顆通共擒斬首從賊人首級三百三十一  
名顆奪獲賊屬三十二名口水牛三十四頭  
馬三匹開具獲功首縱人役姓名數目呈

報到臣案查柳慶諸山賊黨恃險負固稔  
惡有年先該臣臨鎮之初仰體朝廷好  
生之德示以不殺之恩通行撫諭兩廣各  
山峒寨寨獍獠洗心向化聽各自立千長  
編甲互相約束安分住種共保家室以免  
殺戮若屢撫不悛摘其尤者具報密行鴟  
刺示戒隨節據副使鄭一龍呈稱右江多  
盜之區其極惡者賓州之八寨緣餞糧匱  
乏權行撫禦惟遷江之東歐耒賓之比三

北五慶遠宜山之清潭大小都亮及柳慶  
二府柳城等縣各處峒賊俱各縱橫流劫  
多藉八寨以為聲勢劫人而恐官兵之查  
勘則指為八寨之徒虜人而恐官兵之追  
取則引致八寨之穴本道巡歷地方據各  
鄉民遮道攔告殘破鄉村殺傷民命家產  
罄盡老幼飄零慘毒之情甚可悲惻此病  
不藥民將愈危及今不處則柳慶十里之  
間皆為煨燼諸巢賊黨固當犁庭掃穴草

雉禽獮然後快於人心但兵馬不足錢糧  
不敷惟舉其尤者密行鵬剿懲一戒百所  
謂根之難拔者不輕動以揉其變惡之素  
稔者不緩治以失其機慶遠等處有守備  
田義指揮王瑞等謀勇堪委乞賜處發錢  
糧許以便宜從事獲功即行議報失事亦  
聽議罰等因到臣已批各地既有專責各  
官又皆同心依議相機鵬剿謹密迅捷務  
獲竒功臨時運謀設伏聽得便宜施行部

院不能逃度并於梧州府庫貯查發軍餉  
銀二千兩前去賓州收候聽用去後今據  
前因臣看得廣西宜山等縣大小都亮峒  
門北蓋水規東歐等村寨之黨近糾賓州  
八寨遠連古田鳳凰等巢依附聲勢肆無  
忌憚殘破鄉村殺掠人民占據田業滿地  
皆為盜區數年以來錢糧苦於不繼兵力  
牽於東省久未一加懲創臣初給榜撫綏  
叮嚀告戒惟欲導之歸化期於省事無奈

梟獍難馴兇殘如故該道副使鄭一龍目擊慘毒志切衛民乃銳意經畫與遊擊丁山協謀定議率同守備田義奮迅前驅深入險阻搗負固難拔之巢滅稔惡窮兇之黨雖獲功不滿四百然懲一戒百

王師威令敷宣峒寨蠻徭畏懾實年來僅見之功也除將副使鄭一龍遊擊丁山量行獎勞守備田義及各獲功員役分別給賞賊犯遵照題 准事例處決梟示賊屬牛馬

變價克賞外謹具題

知

截殺山賊功次疏

據廣東嶺西兵備道公事汪汝達呈稱陽  
春賊首黃天飛即黃朝盛莫永順等先年  
夥同賊首黎汝誠黃朝泰等劫掠陽春縣  
西山地方逐散犄兵四甲邦憲張槐等奪耕  
糧田陸續出劫高肇二府茂名等縣鄉村  
殺擄人民數多隆慶二年内黃朝泰被兵  
斃傷衆推朝盛為首莫永順為總目率領



徒黨三千本年八月內剽劫樂安驛并陽  
江地方攻破旱田寨殺死覃邦縣等有各  
縣被害里排民人伍賢劉廷舉等屢告乞  
兵剿捕以解倒懸該本道遵奉軍門憲牌  
督行肇慶府同知郭文通部領官鄉兵夫  
伍惟著等前去攻剿時賊回劄清水塘挾  
取被擄收買馬匹該郭文通就令伍惟著  
等假作投降誘引黃朝盛莫永順出外買  
馬被伏兵擒獲各賊聞知權衆出奪被兵

衝敵傷死賊徒無數餘賊敗衄奔遁回巢  
為照前賊流毒殺人兇焰已極見蒙調兵  
征剿乃大兵未至輒先逃出為患所幸官  
兵計擒元惡首挫其鋒有功員役乞行叙  
錄賊首黃朝盛等俱係有名巨寇仍乞早  
正典刑等因又據南韶兵備道副使許宗  
鑑呈稱韶州劇賊黃奇山李應孫等約五  
百餘徒突劫英德縣蕉岡地方當督領兵  
名色把總張其志率兵敵殺斬獲賊級八

顯奪回被擄男婦三名口賊即奔往乳源  
等縣打劫當陣殺男子三人祭旗勢頗猖  
獗隨奉總督軍門行道督發約授指揮陳  
璘統守備王克振把總張其志英德縣知  
縣張文獻督各官兵會哨本年九月二十  
二日前往地名杉木角與賊交鋒陣斬賊  
徒不計緣兵急於破敵只抓獲首級四十  
二顆生擒哨總李應孫賊目陳師長黃金  
富三名奪獲牛馬一七三頭匹盔甲槍刀

二百零六件奪回被擄男婦梁亞真等二  
十一名口被傷兵夫彭貴等三十八名當  
審各賊供稱前黨剿殺甚多首惡與熟知  
道踞者半已就戮尚有被擄隨從之徒四  
踞奔散等因又據管伸威兵備事按察使  
張子弘呈稱惠州山賊曾龍江曾唐等統  
黨流劫歸善等縣地方即督指揮劉欽千  
戶湯勛巡檢吳忠等部領官兵於隆慶二  
年九月初十日前至南山地方與賊衝鋒

斬死賊徒百餘俱墜深遼只獲首級六顆  
生擒賊徒李汝忠等六名傷死兵夫一十  
名各賊大敗遯往海豐長樂等縣地方該  
海豐縣縣丞林士瑛武生黃縉雲等斬獲  
鄭庠生等首級三十二顆又據潮州府同  
知胡廷順呈稱督兵在揭陽縣尖山斬獲  
山賊首級七顆并遊擊馬良匯撫兵莫應敷  
等陸續斬獲海賊首級七十八顆聽候查  
覈等因又據廣州兵道僉事周舜岳呈

據新會縣報稱本縣背招賊首許永何季  
余寬余倫等據住龍塘等村後連大山通  
接各寨賊首周高山陳金鶯等流劫鄉村  
節據被害鄉民陳敬等告蒙總督軍門通  
行處剿該知縣林會春密計先擒獲賊首  
大總管許永拜其黨許亞奴譚大耳等五  
名及督千長何橋伯等統集兵勇掩其不  
備即時進擊當陣生擒賊首何季等九名  
斬獲余寬等首級三顆奪獲賊馬二匹標

刃賊仗十七件被傷兵夫謝貴旺等九名  
余倫等奔遁大山九月內復引周高山等  
出劫前岡等村蒙督千長保甲兵夫馮允  
衛等奮力協敵陸續生擒先年 奏剿有  
名漏刃賊首梁亞二并副總馮三保等共  
四十名斬獲余倫譚雙飛等首級一十四  
顆奪獲賊婦三口馬三匹賊仗七十件被  
傷兵夫何服成等十一名餘賊周高山等  
俱已退遁等因通共擒斬首從賊人賊級

二百五十五名願俘奪賊屬人口二十七  
名口牛馬十八頭匹賊仗二百九十三件  
各報前來備咨到臣案查先據廣州南韶  
惠潮嶺西各兵備道報稱各處山賊出巢  
肆劫派害鄉村乞發兵驅剿臣等方虞海  
寇之跳梁復報山賊之孺聚力雖有限事  
當早圖免滋後患臣即一面摘將見在梧  
鎮戍守歸順都康二州目兵及浙兵副總  
葉丹部兵共四百名督發前去嶺西道兵



備官轉行高肇參將周慤同肇慶府同知  
郭文通統領前往陽春等處剿捕又行廣  
韶惠潮各道分發團操守備哨守官兵設  
法剿捕一面差官齎執令旗令牌前去  
調取向武奉議二州上林縣土官目兵七  
千名至日次第征剿去後今據前因臣等  
議照廣州惠潮韶肇五府地方山峒最為  
盜賊淵藪徑蠻盤據恃險播害每視官兵  
進以為聚散比因逆賊曾一本猖熾官兵

皆從事海上山賊黃朝盛李應孫李汝忠  
許永等遂敢乘間肆出劫掠各縣生靈多  
罹荼毒乃者督率官兵設策進剿在廣肇  
山寨則渠魁就擒在惠韶等處則醜類斯  
獲軍威克振賊黨漸消是皆仰仗我

皇上 聖武懋昭廟謨指授所致也除將生擒  
賊首黃朝盛等發守巡道審實查照題

准事例押赴市曹處決從賊李汝忠等發該  
道究招詳奪首級驗明梟示牛馬器械給

兵克賞被擄人口給親領回賊屬變質陣  
亡被傷兵夫俱行優恤有功軍兵即時給  
賞各官俱與紀錄候剿滅前項山賊一併  
叙論其海賊功次另行查覈外謹具題

知

發回安南夷目疏

據廣東布政司呈稱安南夷目莫福山莫  
文明莫正中等於嘉靖二十六年內奔赴  
本省投生蒙軍門題奉 欽依安插清遠

縣肇慶府韶州府各支給米糧養贍至今  
客久思鄉乞發還本土等因該本司會同  
各道議照安南夷自莫福山等始因彼中  
搆亂奔赴投生分發各地方插住今經二  
十餘年矣生齒既盛供億亦繁節據告回  
原土前議謂恐彼中事體未定遂令照舊  
安養今莫宋澤已故其子莫茂洽見在  
請襲且前歲已曾入貢即其舉動似已安寧  
若不俯順夷情似非柔遠之道見在夷從

男婦共一百五十七名口三處供億歲費  
糧柴銀兩數目百兩以有用之財供化外  
之夷尤為無益合候會題 命下之日委  
官送至鎮南關開關交接聽其領回又據  
廣西分守左江道左叅議張佳胤呈稱思  
明府盤獲夷目莫邦禎訴稱係安南都統  
使司子孫原安插韶州府近因伊父莫正  
中病故告給該府此文負父骸骨回鄉並  
葬緣莫福山莫邦禎等思歸心切呈乞

行具 題緣由到臣查得接管卷內嘉靖  
二十六年閏九月內該前任提督兩廣侍  
郎張岳會議內開安南都統使莫福海身  
故應襲男莫宏灑幼弱不能管理司事其  
頭目阮敬係莫登庸義子掌兵有功自福  
海時漸不能制加以福海母弟莫敬典又  
其女婿頭目鄧文值阮如桂等見莫宏灑  
制於阮敬恐其不利共立莫正中管束海  
陽海東二府衆寡不敵敗奔前來但莫宏

濕保正嫡常祿已經奏請就使既敬或  
有異謀亦合詳具事情扣關號訴伏聽處  
分今乃借興復之名私自署置莫正中等  
事雖涉於妄作心在存其宗祀窮急前來  
投生宜畧加存恤合無於廣東不近安南  
府縣權暫安插支給糧食仍查勘如果莫  
宏漢尚存境內輯睦其莫文明等只與阮  
敬搆爭與宏漢並無嫌隙行令宏漢取回  
完聚若有罪過聽其保彼中土俗徑自

行等因題奉 欽依分發安插肇慶韶州  
二府及清遠縣養贖至嘉靖二十九年十  
二月內又該前任提督兩廣兵部右侍郎  
周延題為恭候勘叅事內開勘過安南都  
統使另莫宏漢應罷職事并據莫宏漢申  
稱自受屬權寧來惟遵依 天朝原降先  
祖父 勅諭撫理人目安靜地方先因族  
孽莫正中起亂於海陽撫諾閩境人民聲  
義討之于時宏漢幼未及知今覺正中乃



先祖都統使莫登庸庶子圖僭作叛未及  
出於本心祇緣奸人阮如桂范子儀等之  
所脅誘以致惹罪走透天朝安插然好  
善惡惡天下同情乞將正中文明等示下  
割領回司再許備族屬以存親親之義其  
從黨男婦名口亦望割還就聽照舊回貫  
等因時已議得莫正中等本為莫宗漢身  
屬宗親乞要發回以全族屬親義及據各  
夷告稱所長者阮敬而已今阮敬既已老

死則各夷之道還該司似無他虞第以  
宋澗尚在冲年事權恐未歸一俟莫宋漢  
承祿既定事權有歸年齒稍長知識漸開  
將各夷押至境上責令領回等因具題節  
奉 世宗皇帝聖旨既查勘明白莫宋漢  
准承祿都統使職事護守 勅印其餘依  
擬行欽此欽遵通行遵照去後今據前因  
臣會同巡撫廣東右僉都御史熊輝巡按  
廣西監察御史謝元康議照安南夷目莫

福山莫文明與莫邦禎今故父莫正中等  
本都統使司已故莫宏漢尊屬宗親原因  
莫宏漢攝事之初年尚幼冲莫正中等執  
阮敬專權之浙乘機啓募欲圖攻擊致彼  
動兵相角正中等事勢窮迫遂於嘉靖二  
十六年奔入中國投生安插養贍計今二  
十餘年約支用過米二萬二千餘石銀四  
千四百餘兩當時扶危周急固綏柔遠人  
之道乃今各夷久離鄉土在彼則以生計

無聊為怨在我則有頻繁不繼之虞及查  
嘉靖二十九年既經該司都統使莫宥澗  
已曾具申願領各夷回司仍許備族屬以  
全親親之義此則彼中似有議親宥過釋  
怨施恩之意而正中等即當遣之歸矣于  
時祇以莫宥澗承襲未定議候另行奏

請發回今莫正中既死所存伊男莫邦禎及  
莫福山莫文明等男婦共一百五十七名  
口皆生長異域寄跡中華極日故鄉之恩

不啻饑渴連年乞歸之訴實出悃誠若不  
俯順其情不惟徒滋閑冗之費抑恐或生  
意外之虞况交南本歸附來朝之夷而  
都統又奉命襲封之職據稱莫宥翼已  
故伊子莫茂洽見求勘襲有伊族莫敬典  
莫敦讓暨屬轄宣撫匡衛久已寧靖歷查  
彼中此地既各願收願回在中國誠無勞  
羈留養贍致地方無益有損也乞

勅兵部再查無碍准將夷目莫福山莫文明莫

邦禎等委官逐名譯審真實但收有中華  
人口卽令退還及嚴行盤點行李不許夾  
帶違禁貨物各夷見在大小男婦備開花  
名責差官兵押出境上仍行廣西左江道  
兵備官備行安南都統使司令其責差夷  
使齎執印信中文領狀刻日抵關該道委  
官開關交割領回以慰羈旅懷歸之願以  
節有司供億之煩謹題請 旨

查議開設新縣疏

據廣東布政司呈據委官南雄府同知張  
尚呈奉本司劄付逐一查勘得歸善縣安  
民鎮河源縣鴻鴈洲均為緊要地亟當建  
立縣治及將定立界址分割里分田糧議  
處費用錢糧工作等項議估并巡司因革  
與海豐縣鵞埠嶺不火併設各備細緣由  
開報前來隨准廣州兵備帶管分守嶺南  
道僉事周舜岳牒呈開稱查得鴻鴈洲一  
處界在三府之交地連七縣之遠相應建

立一縣并於岻坪要路立一巡司及河源  
之長吉翁源之黃峒英德之象岡三巡司  
并隸新縣管轄以成犄角以固防守然新  
縣之立百務伊始民志方新所賴以經理  
安戢惟縣令得人為急而耐勞苦其淡薄  
者尤難其人先年南贛新立龍南安遠等  
縣多以府同知等官管理縣務誠重其選  
今查肇慶府同知郭文通才力頗優志向  
亦銳辛勤淡薄皆其所堪先署河涿印事



甚為民心所屬若使改授惠州府同知專  
理縣事一應劄立城池清查時土撫慶殘  
民等事悉以屬之各緣由到司該本司左  
布政使熊汝達右布政使薛天華會同按  
察司陳善都指揮僉事黃應甲分巡惠州  
道按察司張子弘分守道右叅政桂嘉孝  
分巡道副使許宗鑑議照惠韶廣三府連  
界地方先年盜賊盤據為患生靈塗炭已  
極致動大兵征剿方克戡定所據增設縣

治控致要衝以杜遺孽潛滋反側之謀以  
貽生靈久安長治之利揆之理勢人情誠  
不可已今該委官同知張尚公同各縣正  
官勘議得河源縣鴻鴈洲地方四境去惠  
韶府縣隔遠與禾溪諸峒巢相近宜因先  
任陶僉事創議建縣遺址再加開拓築城  
四百五十丈并一應建置衙門等項計用  
銀八千四百餘兩將河源縣長吉都上下  
五里大洲都二圖英德縣象岡等都共十

四圖翁源縣黃雪二峒共八圖內田糧割  
附共糧三千三百七十六石三斗零道里  
適均追呼出納上下稱宜并無異論及將  
坪坪巡檢司設復與長吉黃峒象岡三巡  
司皆改隸新縣俱與原議相合又勘議得  
歸善縣古名都界在歸善長樂之間各三  
百餘里相去河源龍川海豐三縣各四五  
百里地曠人稀山谿險要宜於地名安民  
鎮建立縣治築城六百四十二拜一應建

置衙門等項實用銀九千四百餘兩將歸善縣古名都一二三圖寬得都一二圖長樂縣琴江都一二圖田糧割附共糧四千二百四十七石八斗零徵輸轉運上下地方民咸稱便又將原議裁革馴雉里巡檢司存留移置地名鳳凰岡通連康和上下等峒守把要害而寬仁里巡檢司苦竹派水驛俱改隸新縣所轄其二縣應設官吏自有裁減縣分舊例合用徭役俟縣成之

日隨宜處置又勘得鷺埠嶺各縣人心不  
一田糧難以分割原議新縣所當停省不  
必並建其內外管理鷺埠嶺二巡司俱宜  
仍舊以備防遏所據分割過田糧估計過  
工料數目似亦的確但通計二縣合用建  
置工費銀一萬七千九百一十餘兩措處  
為難欲聽變賣賊田恐一時混淆難清欲  
令新割帶糧之家每米一石借派銀一兩  
俟日後準折差役又恐小民推故俱緩不

濟事議於惠詔諸府那借庫銀數千兩興  
工隨於全省地方來年秋糧奏請酌派  
以助之但照各府近經查盤濟邊之後庫  
藏俱空無可那借而所屬民窮財盡常賦  
之外加派尤難惟惠州開廠抽收上下水  
商稅一節權宜行之似無不可蓋與其取  
諸民不若取諸商之不為病也查得潮州  
府新設澄海普寧二縣工費銀兩俱於本  
縣丁糧起派并從宜動支府庫官銀濟用

肇慶府新設廣寧縣工費銀兩則盡取給於本府并四會縣庫官銀皆有成案可稽今鴻鴈洲古名都二慶新縣之設又不可已合無姑照分巡惠州道所議於本布政司庫貯益利軍餉并廣州府庫貯椒木軍餉銀內各借支三千兩以為二縣興工之用其餘仍照澄海等縣事例於割附新縣人戶內丁糧酌量均派以濟其事亦日後清查賊田變賣城內外山地及設關抽收

商稅銀兩計算足用不必復派丁糧以重  
民困緣此等事體重大中間節目繁細如  
匠作各役鴻鴈州取之河源古名都取之  
歸善長樂及犁惠州衛官軍防護安民鎮  
掣韶州所官軍防護鴻鴈洲等項必須得  
人經理方可責成合於本省府縣佐二首  
領官內擇其素有才力與地方相宜者題  
請就近陞除俾之悉力任事則庶務漸次畢  
舉而財力亦可就緒仍乞 欽定縣名以



彰建設以便行事其鷺埠嶺欲立一縣建  
議之初雖於地方有裨而分割之際人情  
不可強合况財力未舒勢難鼎建所當俾  
革毋容別議等因具呈到臣查得接管卷  
內先該前提督兩廣軍務兵部右侍郎吳  
桂芳會題前事內開大征過賊首李亞  
元等河源翁源英德之間地名鴻鴈洲順  
剿過賊首王西橋等縣善海豐長樂之間  
地名古名都鷺埠嶺三處各立一裁減縣

分其鴻鴈洲新縣仍設岢坪巡檢司及陘  
河源縣長吉巡檢司英德縣象岡巡司翁  
源縣黃峒巡司俱屬鴻鴈洲新縣所轄及  
移置歸善縣內外管理巡檢司于水口墟  
以扼要害以上三縣仍屬惠州府管轄其  
嵩嶺嶺馴雉里二巡檢司裁革等因具本  
題該戶部覆奉 欽依行回司道委官勘  
議去後今據前因 臣會同巡撫南贛汀韶  
等處地方右僉都御史張紳巡撫廣東地

方右僉都御史熊桴議照河源縣鴻鴈州  
歸善縣古名都君惠韶廣三府七縣之中  
聯亘數百里疊嶂層峦之險官府罕到政  
教難及不逞之徒招集叛亡相繼得熾弘  
治四年譚從發等正德十三年吳何俊等  
先後伏誅事後即置之不理未曾立縣以  
致近年復有李亞元鄧廷鳳官祖政諸廷  
福等復據險阻煽聚其中大肆流毒今當  
蕩平之後誠宜圖惟久安長治之策既經

各該司道會議及委官同知張尚親歷各縣督同掌印官拘集里排人等審訪輿論相度形勢勘議相同謂河源縣應添設一縣於鴻鴈洲分割河源長吉上下五里大洲都韶州府屬之翁源黃雲二峒英德縣象岡等處都圖田糧三千三百七十六石三斗零附入新縣設復炸坪巡司與本縣之長吉翁源之黃峒英德之象峒各巡司俱屬管轄歸善原議於古名都今勘應添

設一縣在安民鎮分割歸善縣古名都一  
二圖寬得都一二圖長樂縣琴江都一  
二圖田糧四千二百四十七石八斗零附  
入新縣及原議裁革今勘應存留馴雉里  
巡司移在鳳凰岡與寬仁里巡司苦竹派  
驛俱屬管轄實得唇齒相依之勢制馭頑  
梗之術遠近歸向而縣治易建官府既設  
則政令自行學校立而聲教漸開道路通  
而商旅必集闢草萊為膏腴銷兵革為耒

耕窮荒僻壤行見太平有象矣如蒙

勅下該部再加查議合無俯從所議乞將惠州府所屬河源縣地名鴻鴈洲歸善縣地名安民鎮各添設一縣併乞欽定縣名各照例裁減縣分銓設知縣一員典史一員教諭一員六房司吏共二名典吏各一名學吏一名仍設炸坪巡檢司添選巡檢一員撥吏一名又改河源縣長吉巡司韶州府屬英德縣象岡巡司翁源縣黃峒巡司

俱屬鴻鴈洲新縣管轄又將馴雉里巡司  
移建在鳳凰岡與寬仁里巡司苦竹派水  
驛俱屬安民鎮新縣管轄原議將海豐縣  
於鷺埠嶺分設一縣今稱民心不從且財  
力有限相應停省及先欲移置內外管理  
巡司裁革鷺埠嶺巡司俱應仍舊存留以  
備防遏其惠州府暫行設關抽收商稅與  
處置錢糧及掣惠州衛官軍防護安民鎮  
韶州所官軍防護鴻鴈洲等項一應未盡事

宜通候 命下之日聽臣等便宜處置逐  
一督行該司道次第脩舉施行地方幸甚  
議處剿賊事宜以便調遣疏

臣等近因海賊曾一本等徒黨遁回廣東  
潮州福建玄鍾銅山等處沿海地方往來  
劫掠勢頗縱橫已於隆慶二年十月十九  
日具本題 請亟行福建巡撫總兵官督  
發素練官兵船隻約會廣省將領隨賊向  
往相機夾擊其廣省差去雷州府同知林



一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百  
一百一  
一百二  
一百三  
一百四  
一百五  
一百六  
一百七  
一百八  
一百九  
二百  
二百一  
二百二  
二百三  
二百四  
二百五  
二百六  
二百七  
二百八  
二百九  
三百  
三百一  
三百二  
三百三  
三百四  
三百五  
三百六  
三百七  
三百八  
三百九  
四百  
四百一  
四百二  
四百三  
四百四  
四百五  
四百六  
四百七  
四百八  
四百九  
五百  
五百一  
五百二  
五百三  
五百四  
五百五  
五百六  
五百七  
五百八  
五百九  
六百  
六百一  
六百二  
六百三  
六百四  
六百五  
六百六  
六百七  
六百八  
六百九  
七百  
七百一  
七百二  
七百三  
七百四  
七百五  
七百六  
七百七  
七百八  
七百九  
八百  
八百一  
八百二  
八百三  
八百四  
八百五  
八百六  
八百七  
八百八  
八百九  
九百  
九百一  
九百二  
九百三  
九百四  
九百五  
九百六  
九百七  
九百八  
九百九  
一千

灼見在福建地方造船凡買辦木料軍器  
火藥亦併乞責成彼處官司及早督率完  
工與彼舟師合勢南下度計出萬全事賴  
共濟續該臣竊慮前造福船尚未就緒而  
官兵出海用船為急又經督令總兵官俞  
大猷馳往閩中催促造募去訖隨據本官  
差人賁文呈報彼省先造大船三十隻將  
完今又造極大者二十隻必待閩中造完  
方能興工等因到臣臣看得閩廣水陸接

壞休戚相關目下曾賊乘船劫掠屢剽人  
民燒燬廬舍痛心切骨恨不能即日殲滅  
以快積憤今若坐待同知林焯所造船隻  
完日方行督發未免月日滋久誠恐黠賊  
又將乘風西過追逐為難臣晝夜思惟必  
須將閩中見有兵船借撥八十隻就用本  
船慣習之兵約五千名交付總兵官俞大  
猷就彼統領該鎮將領亦領五千名盡出  
水寨所有之船不下數百聽其調度刻日

出海窮追廣省亦將見在南頭兵船責令  
總兵官郭成等統領應援隨賊所至併力  
剿殺以收全功其原解去銀見在三萬八  
千餘兩聽彼中巡撫衙門分派各船官兵  
應用如未足數只議解發入廣之日一應  
行糧犒賞俱行巡撫熊桴定議處給臣又  
竊慮分兩省之河領聯數百之兵船遙制  
於海洋浩渺之間萬一各官兵有彼疆此  
界之嫌懷分功計利之意心志不齊應援

不力其勢固難盡合若臂指相使之順也  
今當誓師決計必須事權歸一而後謀度  
可施統馭無碍查得先年征剿閩倭曾經  
奉 勅兩廣軍門總督福建官兵進剿今  
該省鎮巡將領似應亦如往年故事暫聽  
兩廣軍門節制齊心戮力庶易成功俟賊  
平之日照舊行事然臣已病廢不能為役  
聽該部另選才望出衆大臣稍重事權前  
來幹理惟幸滅賊計成臣即旦夕填溝壑

區區狗馬之心無憾也

請行閩省併力夾勦海賊疏

據整飭惠潮海防兵備僉事郭孝呈稱海賊曾一本等徒黨於隆慶二年八月二十三日巳時盡數駕舡開由馬耳澳去訖未知向往又據鎮守廣東地方總兵官郭成呈稱本職官兵見到潮州近已殺挫賊鋒兵威頗振而撫民林道乾莫應敷等俱願誓志聽從督剿不料前賊於本月二十六

日遣往福建玄鍾地方與兵相戰數合復  
入銅山水寨福建王叅將督兵禦敵等因  
到臣案查近准兵部咨該臣題為海賊突  
犯省外地地方焚劫人民十分猖獗事內開  
前賊突入廣東省城河下焚劫緣由本部  
查得先該廣東撫按等官李佑等揭帖報  
自前因本部覆奉

聖旨是這海賊愈肆猖獗地方官全不用心防  
剿本都當重治但見在用兵俞大猷郭成

并各該守巡等官姑住了俸看殺賊立功  
贖罪魏宗翰王如澄俞尚志朱相巡按御  
史即便提解來京問張瀚着嚴督類巡等  
官上緊多方設謀務期剷蕩以靖地方不  
許怠縱欵此又該兵科都給事中張鹵等  
題為兩廣軍情重大懇乞

聖明速賜究處失事人員及剷除事宜以救危  
急事本部覆議合候

命下移咨總督張瀚移住鄰東地方與同巡撫

熊桴多方設策徵調勁兵務在蕩平以靖  
地方其前議廣中但係勘動錢糧悉聽暫  
借支用等因題奉

聖旨是欽此臣等竊惟么麼小醜尚緩天誅

致屢聖皇南顧廟堂區畫許以設策

徵調兵餉復聽借支臣等晝夜思惟至廢  
寢食敢不殫竭駑鈍以效涓埃當即督行  
總兵官俞大猷會同右僉都御史熊桴議  
委原任總兵官湯克寬同雷州府同知林



煇領銀往閩造大船八十餘隻俞大猷至  
期親往浯嶼選募精兵督駕前來進剿又  
行廣東按察司帶管海道僉事周舜岳議  
處修造樓船六十餘隻委原任叅將王詔  
及都司白翰紀統督於省會波羅海面防  
禦又據海防兵備僉事郭孝呈稱遵奉明  
文嚴行督剿據報海賊曾一本等流劫潮  
揭二縣官踞富沙青嶼小坑等處圍寨又  
合白哨賊船五十餘隻約有四千餘徒攻

劫古溪龍溪等處本道督率撫民林道  
部兵於隆慶二年八月初肆日駕船八十  
隻至磊口遇賊爭鋒大戰曾賊敗走退遁  
溪東被道乾追獲哨船一隻前後生擒賊  
人四名斬首十三顆餘衆落水撫民魏朝  
義率衆擒捕哨船二隻對陣斬死三十名  
下水滄死百餘徒前後生擒賊人十五名  
得獲首級五顆前賊又於本月十五日攻  
打尖山寨潮州府同知胡廷順監督把總

易大源等交鋒斬賊七顆傷者不計其數  
賊衆敗遁楓口救全本寨等因到臣就據  
報稱前賊突往福建臣當即催促總兵官  
俞大猷嚴限造募福船福兵與省會防禦  
舟師馳赴閩中隨賊向往仍行會福建都  
御史塗澤民約期會師夾擊去後今據前  
因臣除遵照兵部題行事理移鎮東省  
肇慶府地方就近調度外臣會同巡撫廣  
東都御史熊桴議照海賊曾一本原係福

建詔安縣人賊首吳平之黨今其糾聚群  
賊大抵漳潮二府之人居多往年劫掠閩  
中曾將把總朱璣王毫拘留既而彼省大  
集舟師建設水寨兵勢克盛遺孽逸出遂  
化東粵搶虜官船一逞於雷州再逞於省  
會而勢漸猖熾日下兩地造船各道招兵  
攻戰之具漸次整飭正湯沐具而蚤蝨相  
吊綱罟設而魚鼈驚逝之時又懼玄鍾密  
邇湖陽恐其合擊遂乘不備仍肆焚搶所

聞虜來大兵舡七隻又將增其障蔽勢益  
縱橫非得多集艦舸博選將士約會兩省  
刻期夾攻則此賊往來海上易於趨避難  
於成功殲滅尚未敢必也及查嘉靖四十  
四年六月內該巡撫福建右僉都御史汪  
道昆因吳平等夥賊未滅亦曾具本題  
請會剿今曾酋之點不下吳平而船隻黨類  
殆將過之審度事勢必須會剿然後可收  
全功况閩中連歲寧謐別無他虞曾酋惡

既貫盈神人共憤伏乞 勅下兵部再加

查議合無亟行福建巡撫總兵官督發素  
練官兵處備兵餉召集各寨船隻約會廣  
省將領同心併力隨賊向往相撲夾擊則  
窮寇必無所逃廓清海宇有日其廣省差  
委原任總兵官湯克寬雷州府同知林焮  
見在福建地方造船凡買辦木料軍器火  
藥諸項亦併乞賜責成彼處官司及早督  
率完工與彼中舟師合勢南下庶計出萬

全事賴共濟而閩廣皆有息肩之期  
皇上可紓南顧之憂矣

臺省疏稿卷之六終